

MALAYSIA
DEWAN RAKYAT
ATURAN URUSAN MESYUARAT

NASKHAH SAHIIH/BAHASA MALAYSIA

<http://www.parlimen.gov.my>

HARI ISNIN, 26 OKTOBER 2015, PUKUL 10.00 PAGI

Bil. 42

PERTANYAAN-PERTANYAAN BAGI JAWAB LISAN

1. PR-1333-L71556
Tuan Haji Mohd Fasiah bin Haji Mohd Fakeh [Sabak Bernam] minta **MENTERI PENDIDIKAN** menyatakan langkah Kerajaan bagi mengurangkan bebanan kerja luar hakiki bagi lebih 500,000 guru supaya tugas hakiki sebagai pendidik tidak terjejas.
2. PR-1333-L70752
Dato' Johari bin Abdul [Sungai Petani] minta **MENTERI PERTANIAN DAN INDUSTRI ASAS TANI** menyatakan komuniti Perubatan mendapati Stevia boleh menggantikan gula dan produk ini tidak mempunyai *properties* merbahaya kepada kesihatan manusia. Adakah Kerajaan bercadang untuk mempromosikan tanaman Stevia dan apakah kekangan untuk menanam di negara ini jika ada.
3. PR-1333-L69572
Datuk Sapawi bin Ahmad Wasali [Sipitang] minta **PERDANA MENTERI** menyatakan langkah dirancang bagi memperkasa dan memperkuat Jabatan Pertahanan Awam Malaysia (JPAM) dari segi keanggotaan dan kelengkapan, untuk menghadapi pengurusan bencana alam di negara ini.
4. PR-1333-L70872
Tuan Chong Chieng Jen [Bandar Kuching] minta **MENTERI DALAM NEGERI** menyatakan berapakah jumlahnya pekerja asing yang didaftar di Negeri Sarawak sekarang mengikut sektor pekerjaan. Apakah anggaran Kerajaan berkenaan jumlah pekerja asing tanpa permit yang berada di Sarawak.
5. PR-1333-L71219
Dato' Hasbullah bin Osman [Gerik] minta **MENTERI PENDIDIKAN TINGGI** menyatakan apakah gambaran masa hadapan Sistem Pendidikan Tinggi Negara dari segi pelajar yang dihasilkan, pensyarah serta penyelidikan oleh Universiti.

6. PR-1333-L69659
Dr. Che Rosli bin Che Mat [Hulu Langat] minta **MENTERI KESIHATAN** menyatakan :-
- (a) sejauh mana kebenaran ibu bapa muda yang menolak pemberian vaksin kepada anak mereka sejak bayi (Imunisasi Bayi); dan
 - (b) adakah benar wujud Gerakan Antivaksin dan apakah hujah-hujah mereka.
7. PR-1333-L70940
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI BELIA DAN SUKAN** menyatakan apakah hasil pencapaian program Parlimen Belia Malaysia yang telah dilancarkan dan bagaimanakah program ini dapat memberi impak kepada peningkatan kualiti hidup belia setanding dengan peringkat antarabangsa.
8. PR-1333-L69590
Laksamana Pertama Mohamad Imran bin Abd Hamid (B) [Lumut] minta **MENTERI KERJA RAYA** menyatakan tarikh sebenar projek Jambatan Kampung Baru ke Kampung Telok dan Telaga Nenas akan siap dan dapat digunakan sepenuhnya.
9. PR-1333-L71006
Dato' Ir. Haji Nawawi bin Ahmad [Langkawi] minta **MENTERI PENGANGKUTAN** menyatakan apakah Kerajaan bercadang untuk mengurangkan kadar cukai jalan untuk kereta berjenama mewah yang melebihi usia 10 tahun, ini adalah kerana "nilai buku" kereta tersebut adalah tersangat rendah berbanding dengan kereta berjenama mewah keluaran baru.
10. PR-1333-L70641
Dr. Ko Chung Sen [Kampar] minta **MENTERI KESIHATAN** menyatakan :-
- (a) jumlah pesakit yang meninggal dunia akibat jangkitan pneumokokal bagi lima tahun yang lalu; dan
 - (b) kos memasukkan vaksin pneumokokal menjadi sebahagian daripada Program Imunisasi Kebangsaan, dan mengapa Malaysia masih belum memperkenalkan vaksin pneumokokal ini bilamana begitu banyak negara lain telah berbuat demikian.
11. PR-1333-L69549
Dato' Haji Irmohizam bin Haji Ibrahim [Kuala Selangor] minta **MENTERI KERJA RAYA** menyatakan sejauh manakah Program Transformasi Industri Pembinaan (CITP) 2016-2020 berupaya mewujudkan industri pembinaan yang mampan dan berdaya saing di peringkat antarabangsa termasuk dalam konteks keselamatan dan kesihatan serta kelestarian dalam pelaksanaan projek-projek awam dan swasta.

12. PR-1333-L69912
Dato' Dr. Tan Kee Kwong [Wangsa Maju] minta **MENTERI KEWANGAN** menyatakan langkah-langkah yang diambil bagi menangani sebarang ancaman masalah ekonomi ketika Ringgit jatuh.
13. PR-1333-L70235
Dato' Haji Zainudin bin Ismail [Jelebu] minta **MENTERI KEWANGAN** menyatakan kesan kejatuhan harga minyak ke atas ekonomi negara dan pendapatan Kerajaan dengan memberikan angka-angka perbandingan sebelum kejatuhan dan selepas kejatuhan tersebut serta unjuran untuk tahun-tahun mendatang jika harga minyak kekal atau terus jatuh.
14. PR-1333-L70704
Tuan Manivanan a/l Gowindasamy [Kapar] minta **MENTERI BELIA DAN SUKAN** menyatakan :-
- (a) apakah punca dan faktor-faktor yang menyebabkan kekalahan memalukan skuad Harimau Malaya apabila dibelasah 10 - 0 oleh Emiriah Arab Bersatu (UAE) pada perlawanan Kumpulan A Pusingan Kelayakan Piala Asia 2019, di Abu Dhabi pada 3 September 2015; dan
 - (b) apakah usaha-usaha untuk mengatasi masalah disiplin para penyokong bola sepak Harimau Malaya, seperti yang berlaku pada perlawanan kelayakan Piala Dunia 2018 / Piala Asia 2019 antara Malaysia menentang Arab Saudi di Stadium Shah Alam pada 8 September 2015.
15. PR-1333-L70024
Datuk Wilson Ugak Kumbong [Hulu Rajang] minta **MENTERI KOMUNIKASI DAN MULTIMEDIA** menyatakan status menara-menara komunikasi yang terletak di Punan Bah, di SK Tegulang, di SK Sambop, di SK Metalun, SK Sungai Tunoh, di Rumah Said Nanga Stapang, di SK Temenggong Koh, Nanga Antawau dan di Rumah Naga, Nanga Merating.
16. PR-1333-L71465
Tuan Sim Chee Keong [Bukit Mertajam] minta **MENTERI KEWANGAN** menyatakan jumlah cukai input (*input tax*) yang dituntut berbanding jumlah yang telah di bayar mengikut pecahan bulan. Nyatakan purata masa bayaran balik tuntutan dibuat.
17. PR-1333-L70035
Datuk Abd Rahim bin Bakri [Kudat] minta **MENTERI KERJA RAYA** menyatakan status pelaksanaan Projek Lebuhraya Transborneo bagi sektor negeri Sabah. Berapakah anggaran perbelanjaan projek ini dan siapakah juru perunding dan kontraktor yang dilantik bagi melaksanakan projek ini.

18. PR-1333-L70396
Tan Sri Dato' Seri Abd Khalid bin Ibrahim [Bandar Tun Razak] minta **MENTERI PEMBANGUNAN WANITA, KELUARGA DAN MASYARAKAT** menyatakan pelan strategik termasuk insentif dalam usaha mewajibkan para majikan menyediakan sistem sokongan bagi pekerja seperti taman asuhan kanak-kanak di tempat kerja bagi mengurangkan kebergantungan terhadap pembantu rumah asing dan menggalakkan penyertaan wanita dalam tenaga kerja.
19. PR-1333-L70569
Tuan Anyi Ngau [Baram] minta **MENTERI KEMAJUAN LUAR BANDAR DAN WILAYAH** menyatakan sejauh manakah keberkesanan usaha serta program-program di bawah pihak Kementerian di dalam membantu membina serta membaik pulih rumah golongan kurang berupaya dari kalangan masyarakat Penan di kawasan Baram.
20. PR-1333-L70280
Dato' Fauzi bin Abdul Rahman [Indera Mahkota] minta **MENTERI KEWANGAN** menyatakan adakah Kementerian menyedari bahawa dengan pelaksanaan GST, ianya amat merumitkan peniaga kecil dan sederhana yang terlibat hingga menjejaskan pendapatan mereka yang juga telah berkurangan atas beberapa faktor ekonomi yang lain seperti kenaikan tarif elektrik, bahan api serta kenaikan kos barangan itu sendiri dan kejatuhan nilai mata wang Malaysia. Adakah Kerajaan bersedia untuk menanggukkan pelaksanaan GST ini atau sekurang-kurangnya menimbangkan untuk dikurangkan ke paras 2% sehingga satu masa yang lebih sesuai.
21. PR-1333-L69834
Tuan Lim Guan Eng [Bagan] minta **MENTERI KEWANGAN** menyatakan jumlah rizab yang menurun sejak 1/1/2014 dan yang dibelanjakan oleh Bank Negara untuk mempertahankan nilai mata wang ringgit. Apakah langkah yang diambil untuk memulihkan keyakinan pelabur, menaikkan nilai mata wang ringgit serta membantu khususnya pelajar swasta yang terjejas dengan kejatuhan nilai ringgit ini.
22. PR-1333-L69627
Puan Hajah Zuraida binti Kamaruddin [Ampang] minta **MENTERI KEWANGAN** menyatakan sama ada ekonomi negara sedang bergerak ke arah yang lebih baik atau tidak memandangkan negara sedang mengalami kejatuhan rizab antarabangsa dan nilai Ringgit yang dahsyat.
23. PR-1333-L70253
Dr. Tan Seng Giaw [Kepong] minta **MENTERI PENDIDIKAN TINGGI** menyatakan cara-cara pelaksanaan Pelan Pendidikan secocok dengan matlamat Hab Pendidikan.
24. PR-1333-L71599
Puan Nurul Izzah binti Anwar [Lembah Pantai] minta **PERDANA MENTERI** menyatakan :-
- (a) status terkini cadangan janakuasa nuklear dan laporan analisis impak alam semula jadi di kesemua tujuh lokasi-lokasi cadangan pembinaan jana kuasa tersebut; dan

- (b) adakah Kementerian akan memperkenalkan Akta Kecekapan Tenaga dalam usaha untuk meningkatkan penjimatan dan kecekapan tenaga di Malaysia.
25. PR-1333-L69671
Datuk Juslie bin Ajirol [Libaran] minta **MENTERI KOMUNIKASI DAN MULTIMEDIA** menyatakan tahap keselamatan negara masa ini terutama di Sabah yang dilihat oleh pihak-pihak tertentu menerusi media sosial baharu menaburkan pelbagai tohmahan dan fitnah yang mahu melihat negeri di Bawah Bayu keluar dari negara Malaysia.
26. PR-1333-L71404
Dato' Seri Abdul Hadi bin Awang [Marang] minta **MENTERI PENDIDIKAN TINGGI** menyatakan apakah langkah yang dilakukan oleh Kementerian untuk mendidik para pelajar dan mahasiswa supaya mengenali tokoh-tokoh ulama' kemerdekaan agar nama mereka tidak digelapkan oleh sejarah.
27. PR-1333-L70746
Tuan Haji Ahmad Nazlan bin Idris [Jerantut] minta **MENTERI TENAGA, TEKNOLOGI HIJAU DAN AIR** menyatakan berhasrat untuk menyemak semula kaedah pembayaran had minima bil elektrik percuma.
28. PR-1333-L69796
Dato' Kamarudin bin Jaffar [Tumpat] minta **MENTERI PENGANGKUTAN** menyatakan apakah perkembangan terkini usaha mencari pesawat MH370.
29. PR-1333-L69516
Datuk Dr. Haji Abd. Latiff bin Haji Ahmad [Mersing] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah usaha Kerajaan dalam membendung kegiatan kontraktor binaan yang melakukan kerja-kerja pengubahsuaian yang berbeza daripada pelan asal yang telah diluluskan dan nyatakan setakat ini jumlah syarikat kontraktor yang telah didakwa di mahkamah atas kesalahan itu.
30. PR-1333-L71516
Dato' Takiyuddin bin Hassan [Kota Bharu] minta **PERDANA MENTERI** menyatakan langkah Kerajaan ke arah memperkasakan Institusi SPRM terutama dari aspek Risiko, Siasatan dan Pendakwaan kes-kes rasuah.
31. PR-1333-L71126
Datuk Zahidi bin Zainul Abidin [Padang Besar] minta **PERDANA MENTERI** menyatakan adakah Kerajaan akan mengkaji dan merangka strategi berkesan bagi membantu secara komprehensif syarikat-syarikat Pembangunan Hartanah Bumiputera dalam membangunkan Tanah-Tanah Rizab Melayu di bandar dan pinggir bandar dengan Projek Perumahan dan Projek Komersial kerana ketika ini terlalu sukar untuk syarikat-syarikat Pembangunan Hartanah Bumiputera membangunkan Tanah Rizab Melayu berikutan beberapa kekangan polisi dalam industri dan juga sektor sokongan berkaitan, khususnya sektor kewangan yang kurang proaktif. .

32. PR-1333-L71507
Tuan Sim Tong Him [Kota Melaka] minta **MENTERI KEWANGAN** menyatakan langkah-langkah yang dilaksanakan untuk membina daya tahan kedudukan ekonomi negara kita menghadapi ketidaktentuan ekonomi dunia :-
- (a) berikan punca-punca yang mengakibatkan penurunan nilai mata wang ringgit di pasaran mata wang dunia; dan
 - (b) adakah skandal 1MDB merupakan salah satu puncanya.
33. PR-1333-L69742
Dato Sri Dr. Muhammad Leo Michael Toyad Abdullah [Mukah] minta **MENTERI PENGANGKUTAN** menyatakan apakah langkah untuk meningkatkan perkhidmatan penerbangan di luar bandar di Sarawak khasnya, iaitu daripada segi kemudahan pesawat baru dan landasan kapal terbang.
34. PR-1333-L70381
Dato' Haji Abdul Rahman bin Haji Mohamad [Lipis] minta **MENTERI KESIHATAN** menyatakan perkembangan mengenai cadangan untuk pembinaan sebuah Klinik Kesihatan Ibu Dan Anak yang baru di Parlimen Lipis. Apakah langkah proaktif untuk memastikan sebuah klinik ini dibina di Parlimen Lipis dalam masa terdekat.
35. PR-1333-L69639
Tuan Khoo Soo Seang [Tebrau] minta **MENTERI PENDIDIKAN** menyatakan sebab-sebab bantuan wang yang berjumlah RM50 juta yang dijanji oleh Perdana Menteri untuk membantu Sekolah Jenis Kebangsaan (Cina) tidak diterima, bantuan wang ini adalah penting untuk terus membangun dan membantu untuk memupuk bakat untuk masyarakat.
36. PR-1333-L70777
Puan Rubiah binti Haji Wang [Kota Samarahan] minta **MENTERI BELIA DAN SUKAN** menyatakan :-
- (a) adakah Kerajaan mempunyai perancangan membina Institut Kemahiran Belia Negara di Kota Samarahan; dan
 - (b) respons masyarakat dan kejayaan Program Fit Malaysia.
37. PR-1333-L70814
Tuan Gobind Singh Deo [Puchong] minta **PERDANA MENTERI** menyatakan sama ada Kerajaan sedia menyokong langkah-langkah untuk memberikan Peguam Negara "*security of tenure*" dan sama ada Kerajaan sedia menyokong pindaan kepada Artikel 145(6) Perlembagaan Persekutuan bagi tujuan tersekat.

38. PR-1333-L70175
Dato' Dr. Nik Mazian bin Nik Mohamad [Pasir Puteh] minta **PERDANA MENTERI** menyatakan sejauh manakah aktiviti cari-gali minyak di pesisir pantai Kelantan dijalankan memandangkan harga pasaran minyak dunia jatuh. Adakah kerja-kerja cari-gali ini menguntungkan Kerajaan dan rakyat Malaysia.
39. PR-1333-L70914
Puan Kasthuriraani a/p Patto [Batu Kawan] minta **PERDANA MENTERI** menyatakan apakah paras kemiskinan di Malaysia mengikut peratusan pecahan etnik dan pecahan negeri dari tahun 2008 sehingga kini dan apakah langkah-langkah proaktif dan realistik yang diambil Kerajaan untuk membasmi kemiskinan terutama sekali daripada semua kategori kemiskinan.
40. PR-1333-L71039
Datuk Ikmal Hisham bin Abdul Aziz [Tanah Merah] minta **MENTERI SUMBER ASLI DAN ALAM SEKITAR** menyatakan bilakah Kerajaan akan membina tebatan banjir di sepanjang Sungai Golok memandangkan negara jiran Thailand hampir siap membinanya dan memberi kesan yang buruk kepada kawasan di persempadanan negara kita.
41. PR-1333-L70889
Tuan Loke Siew Fook [Seremban] minta **MENTERI DALAM NEGERI** menyatakan jumlah anggota polis yang dikerahkan untuk mengawal Perhimpunan Bersih 4 pada 29 dan 30 Ogos 2015 dan Himpunan Rakyat Bersatu pada 16 September 2015 serta jumlah kos yang ditanggung oleh pihak PDRM untuk setiap perhimpunan tersebut.
42. PR-1333-L71437
Tuan Tan Kok Wai [Cheras] minta **MENTERI DALAM NEGERI** menyatakan berapa ramai yang telah ditahan dan didakwa kerana mengeluarkan kenyataan dan ucapan mengapi-apikan berbaur perkauman, mempamerkan poster dan *banner* yang menghasut dan provokatif, serta tindakan sabotaj ketika insiden di Plaza Low Yat pada Julai 2015, Perhimpunan Bersih 4 pada 29 dan 30 Ogos 2015 dan Perhimpunan Baju Merah di Padang Merbok dan Jalan Petaling pada 16 September 2015.
43. PR-1333-L70852
Tuan Nga Kor Ming [Taiping] minta **MENTERI PENGANGKUTAN** menyatakan :-
- (a) jumlah hasil jualan dari nombor plak kereta "PATRIOT 1" hingga "PATRIOT 9999" dan berapakah jumlah hasil yang diperolehi oleh Kerajaan; dan
 - (b) senarai 10 nombor dan pemilik yang mendapat harga '*bidder*' tertinggi untuk nombor plak "PATRIOT" ini.

44. PR-1333-L71540
Puan Hajah Fuziah binti Salleh [Kuantan] minta **MENTERI KEWANGAN** menyatakan :-
- (a) apakah pihak Kementerian sedar bahawa Agensi Pemungut Hutang sering mendedahkan maklumat kewangan individu kepada pihak ketiga tanpa kebenaran, yang jelas bertentangan dengan Akta Perkhidmatan Kewangan 2013; dan
 - (b) sekiranya ya, apakah tindakan yang diambil oleh pihak Kementerian.
45. PR-1333-L71495
Tuan Chua Tian Chang @ Tian Chua [Batu] minta **MENTERI PERTAHANAN** menyatakan apakah status tentera Malaysia di Arab Saudi yang sepatutnya membantu rakyat Malaysia di Yaman. Adakah mereka masih lagi di sana, jika ya, apakah tugas mereka. Apakah pendirian Kerajaan dalam isu pengeboman Arab Saudi terhadap Yaman.
46. PR-1333-L70405
Puan Teresa Kok Suh Sim [Seputeh] minta **PERDANA MENTERI** menyatakan sebab beliau menyokong Himpunan Rakyat Bersatu memandangkan objektif perhimpunan ini berbaur perkauman yang akan menjejaskan keharmonian sosial di negara kita. Apakah perhimpunan ini menjejaskan slogan "1 Malaysia".
47. PR-1333-L70636
Dr. Ko Chung Sen [Kampar] minta **MENTERI KEWANGAN** menyatakan :-
- (a) jumlah GST dipungut setiap bulan sejak pelaksanaannya, jumlah GST yang dibayar balik setiap bulan sejak pelaksanaannya; dan
 - (b) amaun pembayaran balik yang terlambat bayar dan tempoh masa kelewatan, dan jumlah wang yang dibelanjakan oleh Kerajaan untuk melaksanakan GST.
48. PR-1333-L70642
Datuk Haji Datu Nasrun bin Datu Mansur [Silam] minta **MENTERI PENDIDIKAN** menyatakan melalui Program Transformasi Vokasional dan Teknik (TEVT) apakah usaha kerajaan dalam memenuhi kehendak pasaran kerja dari aspek kualiti dan kemahiran pelajar memandangkan TEVT ini hanya mendapat akreditasi sementara dan pengambilan pelajar melalui keputusan peperiksaan PT3.
49. PR-1333-L71334
Dato' Sri Hasan bin Malek [Kuala Pilah] minta **MENTERI PERUSAHAAN PERLADANGAN DAN KOMODITI** menyatakan supaya pihak Kerajaan menetapkan Harga Lantai bagi pembelian Komoditi Getah dan sawit untuk menjamin kestabilan dan pendapatan pekebun kecil yang terbeban dengan kos sara hidup yang semakin meningkat pada masa kini.

50. PR-1333-L70959
Dr. Ong Kian Ming [Serdang] minta **MENTERI TENAGA, TEKNOLOGI HIJAU DAN AIR** menyatakan jumlah denda yang dikenakan kepada pemegang konsesi Projek 3B dan Projek 4A akibat kelewatan kedua-dua projek ini.
51. PR-1333-L70490
Tuan Mohamed Hanipa bin Maidin [Sepang] minta **MENTERI DALAM NEGERI** menyatakan :-
- (a) sehingga kini berapa ramai rakyat Malaysia yang telah disiasat dan didakwa di bawah seksyen 124B Kanun Keseksaan dan berikan maklumat terperinci setiap individu yang disiasat atau didakwa dan butiran kesalahannya; dan
 - (b) adakah tindakan menggantung permit *The Edge* boleh dikira sebagai perbuatan yang "*detrimental*" kepada demokrasi.
52. PR-1333-L70638
Dr. Ko Chung Sen [Kampar] minta **MENTERI KEWANGAN** menyatakan :-
- (a) jumlah kes didakwa dan disabitkan di atas kesalahan berkaitan GST sejak pelaksanaannya; dan
 - (b) jenis-jenis kesalahan ini dan jumlah wang yang terlibat, dan jumlah penalti yang dikutip.
53. PR-1333-L69816
Dato' Haji Mahfuz bin Omar [Pokok Sena] minta **PERDANA MENTERI** menyatakan apakah dapatan dari '*due diligence*' yang telah dilakukan oleh pihak FELDA Global Venture (FGV) untuk membeli 37 peratus syarikat perladangan PT High Eagle yang mendakwa mempunyai 400,000 hektar ladang sawit dengan harga USD680 juta USD67 juta untuk surat izin ladang tebu.
54. PR-1333-L71346
Dr. Mohd Hatta bin Md. Ramli [Kuala Krai] minta **MENTERI PELANCONGAN DAN KEBUDAYAAN** menyatakan sama ada berlaku pertambahan kehadiran pelancong ke Malaysia semenjak kenaikan kadar tukaran wang asing bagi tahun 2015.
55. PR-1333-L70665
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan jumlah pembayaran yang telah dibuat oleh 1MDB untuk menebus opsyen Syarikat Powertek Investment Holding dan 1MDB Energy (Langat) daripada Aabar Investment. Adakah 1MDB masih berhutang sebanyak US\$481 juta seperti yang tercatat dalam Laporan Audit IPIC untuk Disember 2014.

56. PR-1333-L69766
Tuan William Leong Jee Keen [Selayang] minta **MENTERI DALAM NEGERI** menyatakan sama ada langkah menaik taraf Malaysia dalam senarai penyeludupan manusia oleh Amerika Syarikat adalah berkaitan dengan TPPA dan apa pencapaian dan penambahbaikan telah dibuat untuk memerangi penyeludupan manusia.
57. PR-1333-L70331
Tuan Wong Chen [Kelana Jaya] minta **MENTERI KEWANGAN** menyatakan :-
- (a) sama ada Kementerian bersetuju untuk merendahkan kadar GST ke 4% sebagai strategi untuk membendung inflasi; dan
 - (b) jika direndahkan ke 4%, berapakah jumlah hasil yang bakal dikutip oleh Kementerian.

ATURAN URUSAN MESYUARAT DAN USUL-USUL

1. (D.R. 31/2015) Rang Undang-undang Perbekalan 2016 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (23 Oktober 2015)**

[Menteri Kewangan]

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh dua bilion ringgit (RM52,000,000,000) dibelanjakan daripada Kumpulan Wang Pembangunan bagi tahun 2016, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2016, yang dibentangkan sebagai Kertas Perintah 42 Tahun 2015, adalah diuntukkan di bawah Maksud-maksud yang berkenaan jumlah-jumlah yang bersementakan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (23 Oktober, 2015)

2. (D.R. 28/2015) Rang Undang-undang Perbadanan Insurans Deposit Malaysia (Pindaan) 2015 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (22 Oktober 2015)**

[Menteri Kewangan]

3. (D.R. 30/2015) Rang Undang-undang Syarikat 2015 **Bacaan Kali Yang Kedua**
[Menteri Perdagangan Dalam Negeri, Koperasi dan Kepenggunaan]

4. (D.R. 29/2015) Rang Undang-undang Skim Kepentingan 2015. “

**[Menteri Perdagangan Dalam Negeri,
Koperasi dan Kepenggunaan]**
5. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]
6. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]
7. (D.R. 24/2014) Rang Undang-undang Dadah Berbahaya (Pindaan) (No. 2) 2014 “

[Menteri Kesihatan]

8. PR-1333-U69963
Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini.

Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang menggelarkan diri mereka sebagai SSKM ini."

[Menteri Dalam Negeri]

9. PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan dikalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

[Perdana Menteri]

10. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini.”

[Menteri Pertanian dan Industri Asas Tani]

11. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehpercayaan rakyat kepada Kerajaan masa kini.”

[Menteri Kewangan]

12. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbaur perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

13. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

14. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

15. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

[Menteri Sumber Asli dan Alam Sekitar]

16. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

17. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

18. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

19. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

20. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatkali ganda usaha pembinaan rumah-rumah tersebut.”

[Perdana Menteri]

21. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina , Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara.BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab.

Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

22. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Tetak Cina. Umno perlukan anda”. Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

23. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

24. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

25. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

26. PR-1333-U71195

Tuan Hee Loy Sian [Petaling Jaya Selatan] akan mencadangkan:-

“Bahawa Dewan ini mengemukakan Undi Tidak Percaya terhadap Perdana Menteri Datuk Seri Najib Tun Razak atas alasan penerimaan “Wang Derma” berjumlah RM2.6 billion yang pada mulanya dinafikan, kemudiannya mengugut untuk menyaman akhbar Wall Street Journal dan akhirnya mengakui wang tersebut diperolehi daripada individu yang berasal dari Timur Tengah.

Dengan tidak menjelaskan mengapa “Wang Derma” ini dimasukkan ke akaun peribadi dan bukan atas nama parti, Dewan juga tidak berpuas hati ke atas siasatan skandal 1MDB yang berlaku di mana “Special Task Force” yang sepatutnya menyiasat skandal ini dibubarkan tanpa memberi sebarang alasan sehingga Peguam Negara Tan Sri Abdul Gani Patail ditamatkan perkhidmatan, pegawai SPRM dipindahkan, pihak polis mengganggu siasatan SPRM dan Bank Negara, Public Account Committee (PAC) yang sedang menjalankan siasatan terhadap kes 1MDB tidak berfungsi akibat daripada empat anggota PAC yang terbabit telah dilantik menjadi Menteri atau Timbalan Menteri oleh Perdana Menteri, Pengarah Cawangan Khas (SB) diberhentikan, Timbalan Pengarah Cawangan Khas dipindahkan ke Jabatan Perdana Menteri tanpa diberi tugasan. Disebabkan masalah yang dinyatakan, Perdana Menteri Datuk Seri Najib Tun Razak telah menjejaskan imej Negara di dunia dan menyebabkan pelabur tidak yakin terhadap Kerajaan sekarang sehingga ekonomi menjadi tidak stabil, serta pasaran saham menjunam teruk dan kejatuhan nilai wang ringgit Malaysia berbanding dengan dolar Amerika Syarikat. Maka rakyat Malaysia tidak lagi percaya terhadap Perdana Menteri dan dengan ini Dewan hendaklah mengambil ketetapan untuk mengemukakan Undi Tidak Percaya terhadap Perdana Menteri.”

[Perdana Menteri]

27. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

28. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

29. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2015</u>	<u>RISALAT/DOKUMEN</u>	<u>TARIKH DIBENTANGKAN</u>
DR.10	Penyata Khas Jawatankuasa Pemilih Dewan Rakyat Yang Ketiga Belas Menurut Peraturan Mesyuarat 76(2) Peraturan-Peraturan Majlis Mesyuarat Dewan Rakyat.	26 Oktober 2015
ST.81	Penyata Kewangan Kerajaan Persekutuan 2014 Federal Government Financial Statements 2014	23 Oktober 2015
CMD.39	Laporan Ekonomi 2015 - 2016 Economic Report 2015 -2016	23 Oktober 2015
CMD.40	Anggaran Hasil Kerajaan Persekutuan 2016 Estimates of Federal Government's Revenue 2016	23 Oktober 2015
CMD.41	Penyata Daripada Kementerian Kewangan Mengenai Anggaran Perbelanjaan Persekutuan 2016	23 Oktober 2015
CMD.42	Anggaran Perbelanjaan Persekutuan 2016	23 Oktober 2015
CMD.43	Senarai Perjawatan 2016 [Dalam bentuk CD] Jilid 1 Jilid 2 Jilid 3 Jilid 4 Jilid 5 Jilid 6 Jilid 7	23 Oktober 2015